

Sagai Muittalægje

1as December 1911.

No. 23.

„Sagai Muittalægje“ boatta guovle garde juokke manost, 1as ja 15ad bæive, ja maksa ovta kruvna ja 20 ora jakkodagast — 60 ora jakkebælest. Bladdē matta dinggujuvvut juokke poastarappe bokte. Dieđetusak maksek 5 ora rana.

8ad jakkodak.

„Sagai Muittalægje“

šadda vissa orostet odda jage rajest. Assen dasa læ erinoamačēt atte Lund gi læ dam ragjai prentim blade, læ nu buocas atte i satte gukkeb doaimatet blade olgus. Son læ cækkam ječas erit dam bargost, ja i dat læk læmaš migjidi vejolaš oažžot æra prentedamrakanusaid blade prentedet. I daina læk gielalaš bokstava barddek ja vailluk maidai Samegiel kokstavak. Dasa vela boatata atte si læk divrasæbbok go Lund, ja „Sagai Muittalægje“ læ nu hœjos juolge alde atte i dat nagad makset divras pretedæme. Damditi šadda bladdē orostet. Mutto de orro min mielast duodabælest boattam aigge Samidi vuoddodet aksiesœrve mi olgusadda stuoreb ja buorreb blade, atte Samegiel bladdē fast bajasœuozžel ja ælasga. Maheb nummarest aiggop mi dam birra æmbo čallet.

Alebgærdde ja vuolebgærdde

Mietta mailme maheb aigid læmaš daggar faggadæbme alebja vuolebgærde gaskast. Alebgærdde læ uccebb lokkoi, mutto sist læ kapitala daihe riggödak ja dat fabmo maid riggödak adda. Vuolebgærdde læ manga gærddei æneb lokkui; sist vaillu kapitala; mutto sistges læ dat fabmo mi vuolgga sin ædnagvuodast. Sist i læk davja æmbo go guokte gieda; mutto go si giddalagai valddek, de nagadek si ollo faggadæmest. Damditi

læk si vuoddodam servid, maid bokte si gæčælek barggat aldsešæsek buorreb dile. Si gaibbedek buorreb balka, amas si goarranet. Ja jos alebgærdde gæk davja læk bargatægjek, æi gulddal sin, de valddek si ja orostattet oktanaga barggamest. Dam lakai læk si ožžum buorreb balka. Nuft læi minge ædnamest dast gæsseg stuora orostæbme (streika). Mutto daggar streikak læk stuora oasetesvuottan ovta ædnami. Ja mangas læk juo arvvaladdam atte galgaši rakaduvvut daggar soavatus duomostuolek gost daggar riđok čilggijuvvujek.

Alebgærddest erinoamačēt daina rigges miljonærain læ dat hirmos fabmo maid riggodak adda. Si sattek alma bagotaga divrret borramuš- ja æra galvo, vai ječa æmbo riggodaga čobmijek. I goassege ouddal læk Lazarus nuft goarranam rigges olbma uvsæ oudast go dal. Mutto i goassege læk Lazarus nu dovddam lakai vuorjam riggēs olbma go dal min aige.

Jurdašœgje olbma læk alggam gæčadet daid ašid ja occagoattam dalkasa dami min olmušsokkagodne soarddemvikkai. Stuoreb vanhurskesvuotta ædnam ala dat læ sin čuorvas. Uccebb naggo ja æmbo rafhe ja maššo barggat. Dat læ min aige mavsolæmus ašše. Ja duhati čoddagest bagjan dat čuorvas: Vare vanhurskasæbbo bæivek farga čuvgodifči!

„Nuorttanaste“

jærra: „Gost læk Same sœrvvek Finmarkost?“ Mi maidai læk ib-

mašest go i gullu mikkege šat. Mutto gal daidda læt nuft atte go dalve boatta de sœrvek æmbo barggagottek.

Dalkas mi buored.

Muttom doavter Aladar v. Szendeffy Budapest gavpugest galga læt lutkam dalkasa, mi buored gæppesvigi (tereg). Son læ dam dalkas adnam pasientaidasas ja buoredem mangasa, muittal son ješ. Dam dalkas namma læ „Dioradin.“

Muttom nisson dagai ječas boaresæbbon go læi.

Parisa gavpugest valddujuvvui gidda muttom gærjodægje nisson, gi radde alde gudi gilkkorra, man alde čužžo dak sanek: „Mon læm 90 jage boares.“ Su habme læi maidai daggar atte son oroi læmen sagga boares. Muotto rovčagam, rumaš guvras, jiedna hægjo ja vuovtak vielggadak dego muotta. Politistašonast botte diettet ja caidnet, atte nisson læi čabbes ja i aneb go 28 daihe 30 jage boares. Son læi goanstaiguoim addam aldis boares hame ja bigjam oaivasis parykka mast legje aibas vilggis vuovtak.

Go dutkujuvvui dat ašše, bodi bajas atte nisson i læm æmbo go 28 jage boares. Duobmarak luitte su luovos, dušše vuornotegje atte nubbadest dam i daga.

Galle girdde olbma læk dušsam.

Dam jage 1909 šadde girdedemmašinaiguoim 46 likkotesvu-

da ja 3 olbmujabme.

1910 manai 98 gærdeboastot ja 28 olbmujabme, ja 1911 læ gal juo mammam 150 gærdeboastot ja 65 olbmujabme læ hævvanam.

Gaska-Europast læ læmas æd-doargastus.

K i n a s t

ain gullu gaskastes soatte. Čajeta atte si gæk viggek kaiser truonõ gomitek læ gievrabak.

B u r i s t

goddek firmiguom saidid Kval-sunda gieldest. Saidde-hadde læ 8 ora kilost. Maidai Muosai suokanest læ buorre saiddebivdo.

D a n m a r k o m i l j o n æ r a k .

Danmarkost læ 229 miljønæra. Daina læ okti 590 miljøn kruvna obmudak. 25 daina miljønærain læi 5 miljøn kruvna obmudak gæstge.

S o a t t e

Turka ja Italien gaskast ain bista. Muittaluvvu atto æra stuorarikak gekkek gielddet sodno soattamest gukkeb. Ja buoremus hal gal lifci go dam fastes olmuš-goddema crostattašegje.

Mormonalaš sardnægjek æi oazõ šatten lobe doallat čoaggalmasaid Ruotarikast.

A i g a l a š d a v v e r m a s s u .

Muittaluvvu atte muttom skipa duššai. Olbmuk gal besse heggi, mutto masse buok. Mangas čirru go legje vaivašen baccam. Muttom vises olmai celki: „Mon im læk massam maiddege; dastgo mu davver læ visudak, ja dat i læk sattam vuogjot oktan skipain.

G u m p e k f a l l i t e g j e o b b a g a v p u p a .

Pjalovo gavpug Sibiria'st læ gieskad ožžum bovddekættes gusid. muttom bæive botte vuovdest olles gumppe-valvve ja fallijegje barggid giedest. Mangas daina fastet gaskahalle, ja dat fastagak doarredege sin gidda gavpugi, holvvu ja dolle daggar ællema atte assek bataregje viesoidi. Gumpek birastatte viesoid ja holvvu soaigos lakai manga

bæive.

I gallasest orroin læm bisso; mutto okta sist bačali hæitekætta gumpid, mak borre hæstaid. Guovte bæive gæest bodi vække. Soaldatak legje gullam bakasa ja arvvedegje atte i matto læt riehta. Go soaldatak ollijegje gavpugi de botte si gumppe-valvve vuostai, ja de šaddai varradoarrom. Miedai miedai oudan bakkijegje soaldatak, ja made lagabnidi si botte gavpuga, dade suokadæbbo legje gumpek. Manemusta fertijegje goitge gumpek vuollai addet, ja de duste orrok fast olgus boattet viesoin.

M o f t a m e r i k a n a l a š m i l j o n e r a k r u d a i d e s e k g o l a t e k .

Æi dieđe miljønærak moft si galggek ruđaidesek adnet.

Los Angeles læi muttom miljønæra gi i akkeduvai hirmadet. Go son muttom bæive čuožoi ruovdemađe stašonast, de fuohmaši son. Son galgai bæssat oaidnet man jottelet son olle New Yorka gavpugi. Jernbane scervest dingoi son sierra jernbane mi i galggam goggoge crostet. Dat mavsi sudnji 50000 dollar. Son oktan moddin ustebin girdi rasta Amerika nu jottelet go kei vejolaš ruovdemađe mielde oudan boattet.

Muttom olmai Nebraska'st i diettam adnet ruđaides æra lakai go rakadattet 20000 dollar seddalin aldses hatta. Dal adna son dam hatta ja læ ilost go dietta atte son vazza mailue divrasemus hattain.

Vitta jage læ juo okta stuora gædgečuoppam-særvve barggam rakadet ovta hui stuora havddegædge. Dat olmai gæn havde ala dat galgga ceggijuvvut ælla ain, ja læ mæredam atte æi galga crostet mutto rakadet havddebaze stuorebun ja stuorebun gidda dassačigo go son jabma. Juoke jage maksas son 15000 dollar barggobalka. Go olmai i læk buocas ja ige vel læk nu erinoamaš boares, satta dat šaddat divras havddebazge. Dal juo læ son lokkam olgus 75000 dollara.

Muttom miljønæra New Yorka gavpugest doalai guossemallasid. Guossek borgotegje cigarettai mai birra i læm bapir gissum — mutto čuođe dollar seddalak. 400 kruvnasaš cigarettak læk maidai obba divrasak.

Muttom miljønæra bæna ruotta, čæbet birra diamantabædde mi maksas 15000 dollar.

Ja nuft ain satta muittaluvvut.

Æ l l e n a g a h a v d d e d u v v u m .

Muttom koallagruast Kalifornias læk olbmuk gieskad gavdnam lika ovta bargest, gutte dokko læ joavddam grua čoukkai gæčama bokte. Dat likkotes olmai læi bæivvegirje čallam gidda jabmemes ragjai ovta baparbitta ala mi gavdnujuvvui su okti-čarvjuvvan giedast. Dam 6ad oktober læi son čallam: „Dal loapa gæčai sogja. Maittaleket mu akkai, atte mon jamam alma doarrestemetaga. Hirbmos læ bæga loapatet dego roatto ruvdi sisa, mutto šaddus nuftgo Ibmel datto.“ Nubbe bæive čali son: „Mon nælgom, goalom ja gillam hirbmadet Manne i boade vække? Im gierda mon dal šat gukka dam givse.“ Dai čuovvovaš beivi čallagak læk sæmma laganak. Ja dam manemus bæive — dam 11ad oktober — læi čallujuvvan. „Dal læ dat manemus igja; dal boatta rafhe. Ellet dærvam.“

O k t a j i e r b m a l a š b æ n a .

Muttom vare vuolde Hallingdalast assa okta olmai, gæst læ okta imašlaš bæna. Go čakča boatta, de sadde son dam varrai iskat lækgo rievšagak dobbe. Jos bæna rievšatid gavdna, boatta dat olles jodoin, sæibe livčotalla, njuigoda ja læ hui ilost. Olmai fertte dalle mielde vuolgget, ja rievšagak galle gavdnujik. Mutto go bæna i gavna rievšatid, de boatta dat hui hilljanet sidi, dego i lifci mikkege. Mutto ovta bæive bodi vuot bæna varest, mutto sust læi dalle ješlagan gævatus. I læm son mašolaš ja fuolatabme ige dadde ilolašge, mašta morašlažžan čajeti, njigoi ja sidai olbma mielde vuolgget. Olčai dam i ibmerdam, mutto vulgi almaken mielde. Go soai bodiga varrai de čuožasti bæna ovta labba oudi, mi læi labma šuvvam ja i bæssam gosage. Olmai valdi labba mieldes sidi, ja bæna ja labbes šaddaiga buoremus ustak.

Gal don ješ ibmerdat!

Bureau »Lysstraala,« Bergen.

Lassen mu mañemus čallagi sattam mon dal muittalet atte daggo birrasin læk vuiddum lagabuidi 30 »Lysstraalaboakkana« Mañemus boakkana valdi skomakar Mikkel Koen, gi læ buoccam daktesærgatagast 10 jage; mutto dal læ son dærvas ja barggo olmuš.


Gudnebalolažat Lorentz A. Aalberg Salberg St.

Bureau »Lysstraala,« Bergen.

Mon daggo bokte dudnji muittalam atte 16 bæive gæčest ožžum mon ovta »Lysstraalaboakkana« oabbasam. Son læ dam adnam ija-bæive ja gulla dal sagga buorebut go oudal. Sust læi maidai hui hæjek čalmek; mutto go ani boakkana, sadde čalmek aibas dærvasak, nuft atte mu mielast læ boagan hui buorre. Mon læm maidnom »Lysstraalaboakkana« buok buccidi ja skivas olmušid daggo birrasin.

Gudnebalolažat Robert Larsen, Halsen pr. Kvalsund.

»Lysstraalaboagan« adnujuvu: Boares læsmai, Asthmai (lossa raddai), Vaimovikkai-Suonagesatakki, Varračuolbmædæbmai, Skivasvutti, Obbomdævddi, Astanvikkai, Krampi Jamalgamvikkai, Vuoiwas-, Mañemuš-, Rakko-, Čoavje- ja Čoallevikkai ja maidai Oaive-Gietta- ja Juolgebakčasiidi.



Daggar muittalusak bottek alelassi ja čajetek, man buorren boagan adnujuvu. »Lysstraalaboagan« vuotta mietta buok gost dat bæssa čajetek su imäšlæš buoredam navcaides. Jos buoccek ja skivak læi dam ragjai læk gavdnam vœkke, de čale mañedamkietta ja sadde 85 øra frimærkain

Bureau »Lysstraala,« Bergen.

Boakkani hædde:

Boagan nr. 1 . . . 8 kr.

—, nr. 2 . . . 12 kr., adnujuvu oaive, čæbat, gieda- ja juolgebakčasiidi.

Boagan nr. 3 . . . 20 kr.

—, nr. 4 . . . 25 „ adnujuvu radde, čielge-čoavjedavdaidi.

Boagan nr. 5 . . . 50 kr., dat læ erinoamaš lakai rakaduvvum; garra ravdnje adnujuvu boaresčilege, radde- ja vuollerubmašvigidi.

Mitto radde ja boakkansaje birra sad-dijuvvu dinggomčallag mielde.

Okta revolverluođda.

Okta nuora olmai Davve-Honningsvægest dæivatalai gieskad ovta revolverluođast, mi manai 3 centimeter vaimost erit. Son saddijuvvui dallan Hammerfest buoccevissoi. Gi luođa læ saddim i dittu vel.

Muttom politia
nieidda-færran.

Læ njællja jagæ gollam dam rajest go mon muttom ækked legjim faktan muttom gatast. Biegga njurgoi ja borgai skalvid viesso-uvvai oudi.

Dobbe legje stuora gavpašam viesok, ja gatain læ ollo ækkedid olbmuk jure čappaden; mutto dâm ækked legje erinoamačet ollo olbmuk olggon, dainago olbmuk juovlaidi oste.

Dimo læi ovce baikoi go mon aiccim muttom liegos nuora nieida gi bođi vaze gata rasta.

Jur dæđo go son olli čacce-golggamroggai, njalakasti son ja gačai fastet.

I dat læm munji go ovta sekunda agje oilet dam nuora nieida lusa ja væketet su bajas. Son læ hælketam go gačai vaiko i læm vahagattam ječas, ja mon fertijim vœvddet su moadde lavke; mutto de arvostuvvai fast ja celki: »Ænag gito,« ja lavkoi gukkebuidi gata mielde.

Mon legjim vazzam oudast ruoktot moanaid gerdid, go muttom gandda bođi olgus muttom gavpašamviesost ravas oivid ja viega ja čuorvoi munji:

»Gača deika boattet; gavpaolmai læ darvetam muttom suollaga.«

Son čuorvoi mu kontorčalla kontora lusa.

Dobbe siste læ guokte olbma ja okta nisson, gi čuožoi čiegast, doalai lommalidne čalmi ondast ja čieroi nuft garraset dego vaibmo lifči luodanæmen.

»Buorre ækked politia,« celki kontorčalle, »læi buorre go bottik. Okta min gavperængain fuomaši atte muttom divras line læi suoladuvvum ja dagai čuorvvasa. De diet nisson gačai erit diska lutte. Son orostat-tui buktuvvui deike ja dutkuvvui. Lidne gavdnui su kaapa olgoldasloummast. Die læ dat bævde alde.«

»Lepetgo sittam nissonest čilggitusa?« jerrim mon go mon jakkim atte ašše dam lakai čielgga.

»Maid dat vel son satta čilgget,« vastedi kontorčalle moarest. »Son læ darvanam suoladedines. Son læ suola; dat læ čielgas.

Nisson jorgeti nubbus. Son valdi lommalidnes čalmi oudast erit, ja go son moarest gæčasti kontorčalle ala de son gosirak čergi sudnji: »Dat læ gieles! Im mon læk suola!« Ja de gačai son ja jamalgi.

Go son jorgeti su šoavkes muođos kontorčalle vuostai, de oïdnim mon atte dat læi dat sæmma čokkis-čalmag nieidaš gæn mon dimobæle gæčest legjim væketam.

Mon mannim su lusa væketim su čokkat muttom stullui, anotim čæce ja bassim su nieraid.

Son farga fast ælasgi, ja go son aicai mu de son rak arvostuvvai ja celki:

»Man avost mon læm go don bottik. Dat politia satta muittalet digjigi atte im mon læk suola. Ibe læk duotta?«

Mon legjim rak bartest. Mon fertim dakkat mi læi mu gædnegasvuotta. Damditi celkkim mon atte munji dagai, baha ja jerrim aiggogo son buorre mielast čuorvot mu.

Nieidda viggai jaskodattet ječas. Munji læi vægjemættom jakket atte son læi suola; mutto daddeke fertim fast jakket atte daidda son goitge gæčalusaidi vuoittatallaun.

Nieidda-rieppo vazi vebaš oudalalaš mu. Mon savvim ješ okto, vare son garggedifči muttom lakai. Mutto de orosti son ja vurdi mu.

Go mon ollijim su ragjai, dolli son mu giti ja celki:

»Politia, ik don gal dnottavuodast jake atte mon læm suola, vai jakakgo don?«

Im mon sattam dasa vastedet maidege, duše dam dagjim atte mu mielast læi nu arkke.

»Nuftgo du mielast læ,« celki son ja gadnjalak oidnujegje su čalmin. »Mon læm avost go must læ jobe okta ustebge, dastgo obba dam stuora gavpugest i læk oktage æra gi væket mu.«

Ja de muittali son munji ællemes birra. Son læi oarbes manna ja læi bajasgessum muttom siesa lutte. Gutta mano dam ragjai go siessa jami; dasto manai son London gavpugi gost son oapai hærvaid goarrot. Dam rajest fidni son burist dammade atte eli. Son muittali atte son læi mannam gavpašam-vissui smavva dingai oastet; mutto dæđa go son galgai olgus vuolget orostattui son. So_n

vuornoi atte i son mate arvedet, moft dat divras line lei boattam su lommi

Mon celkkim sudnji atte mon arkalmastim su, ja dallanaga ollime moai politi-stašoni.

Mon muittalim buok politi-čallai, ja son miedai dasa, atte dat nieidda böessa čokkat stuolost kontorast dan ija ja i hoiggaduvvu fangai laduji.

Hirbmadet vaivedegje jurddagak mu go muittim dan nuorra nieida. Im ožžom favdnadet oadđet ikko, ja bæived jurdašim mon alelassi moft mon galgašim sattet dan nuorra nieida väketet.

Diettalas go moai bodime digge oudi, de šaddai Minnie — dat lei su namma — dakkaviđi dovddujuvut ašalažžan. I son vastedam maidede, ja duobmar bijai dan aše aleb duomostuolo oudi.

Go son dolvvujuvuvui olgus lei son aibas dorvotesvuodast. Mon mai nuvketim sudnji avčotam varast; mutto son dušše gæčasti mu ala dorvokčettes čalmiguim.

Mon bindasim olgus ja alggim mu bargom.

Mon legjim nieidast jæradam visodet maggar habme sist lei gæk čužžu su baldast diska guorast. I son muittam æra go muttom čabbat činätuvvam nisson, gæst lei ličo bælljist, lei dego golbmačiegag bitta lei bæljest eritčuppjuvuvum.

Politiöivve addi mudnji fria let guokta bæive, dat maid mon vuoččan dakkim, lei dutkat bahadakke nissoni govaid politia lanjast; mutto im mon gavdnam maid occim.

Manemus lokkim mon muttom čabba nisson gova vuolde: »Sust læ golbmačiegag raigge nubbe bæljest.« Daida die lætge dat nisson, jurdašim mon. Mon sarnodim dasto gukkeb aige mu ustebinam, gi læi čiegos politia, ja son muiti atte son læi caidnam dan nisson, sati maidai muittalet gost dat nisson lavi jorrat.

Gæčos dan bæive ja muttom oase nubbe bæivestge occim mon dan nissona. Go mon manemusta legjim læittemen, de manai mu mædda muttom alla čabba nisson njuorjonakekaapain bagjelest. Mon gæčastim su ala, ja goasse soaigetim go aiccim 3-čiegag raige su nubbe bæljest. Nisson vazi gukkebuidi, ja mon čuvodim su. Son manai dan gavppašamvieso sisa gost mon legjim aresterem Min-

nie, manai diska lusa, gost dat hærvva line lei suoladuvvam ja algi gæčadet galvo. Son osti vahaš, mavsi ja vazzai olgus.

Mon im diettam ješge maid galgam dakkat, mutto aigum goitge gæččalet.

Mon mannim su lusa dollijim su oalggai ja celkkim hiltjet:

»Boađe mu mielde, must læ vahaš sardnomuš duina,« ja gæčastim sæmmast bastelet su ala.

Su amadægjo rak rievdoi, jurddeli vahaš ja čuovoi muo. Moai læime mannam moadde lavke go mu julgi vuollai bodi juoga. Mon valdim bajas ovta hærvva-lidne gurpe. Nisson læi luottam dan. Mon legjim gavdnam suollaga.

Go son oini atte son læi almostuvvam, de dovdasti son buok. Kontorčalle suttai mielatebmen. Son loigai gavppe dušša aibas dan lakai.

Mutto im mon vela læm boattam diettet maid savvim. Damditi alggim mon suina garastallat ja celkkim: »Im mon dan aše diti læk doarredam du. Dat læ danen go don guokte bæive gæčest suoladek hærvva linne ja nakketek dan muttom nuorra nieida lommi, go gullek atte čuorvvasa dakke.«

Vuoččan gæčasti nisson hæbotes lakai mu ala; mutto de vuollani ja dovdasti buok. Čiegosvuotta læi dal almosi boattam.

Minnie diettalas dal luovos luittuvuvui. Mutto igo son læm gitavaš sivdnadus! Son viekali njuolgga mu lusa, doppi mu birra čæbet ja cummesti mu.

Mon gessim ječam ruoktot, dan-nego mon im likom go bærrer ollok dan oidne, ja danne ožžom mon su mieldam, dolvvom su daggar sagjai, gost moai muosedet bæsaime sarnodet.

Moai naittalæime guokta vakko dast mannel, ja son oazžoi 500 punde (engelas ruđak) dan gavppeolmast gi læi sivatallam su suolan, ja ilost son vel læi go bæσαι nuge gæppaset.

Vugjum damppe — 60 olbmui duššam.

Dat italialaš damppe Romagna læ gieskat vugjom garradalkest. 70 olmušt mak dan damppe legje dušše 60. Dak ærak gagjujuvuvuje muttom østerikalas damppe.

Guoka ođda tereghospitala.

Dam summa oudast, maid stuorradigga-dima bevilgi rakadattim varas sanatoriaid šadda dal arvvaluvvut rakadattet 2 tereghospitala, ovta Tromsa stifti ja nubbe Kristiansandi. Arvvaluvvu, atte Saltdalen læ vuogas baikke daggar hospitali. Dam guovte hospitali šaddek čuode sčenga goabbaige.

Okta arjalaš nisson.

Mannam manost jami Ida Lewis gutte 50 jage læi læmas fyrafaktijægje ovta baikest Amerikast. Su ačče læi fyrafaktijægje, mutto su vaivedi di læsme saggarak, ja dat ucca Idas fertti davja su bargo doaimatet. Son oapai vadnasa stivrit likka burist go olmai, ja go son læi 15 jage boares dagai son su vuostas gagjombargos. Okta vanas gobmani fyra lakka; mutto dat ucca Idas, gutte gæddest læi oaidnam buok, i læm njoacce. Son vadnasa oazžoi mæra ala, sukkali favllai ja gajoi dan 4 olbma, gæk legje duššamen. Go son læi 18 jage boares jami su ačče, ja son oazoi fyragæččen læt dassači go ođda fyrafaktijægje namatuvvu. Mutto de i occam oktage dan poasta, ja Ida Lewis, gutte dokkalažžan gavdnujuvuvui fyrafaktijægjen oazoi dan. Dan n læi son 50 jage. Hirbmos ollo olbmuid læ son dan aigest gagjom, ja ollo medaljaid ja gagjom-ruosaid læi son ožžom.

Manemus go son olbmui gajoi jabmemest læi jagest 1904, dalle go son ješ læi 65 jage boares. Okta nisson galgai sukkalet fyra lusa ja go læi ollim bælematke galgai son čuožastet vadnasis ja nu snukurmasti merri. Dat likkostuvai Idai bæssat favllai nu fargga atte olli gagjot sikke nisson ja vadnas. Dal læ dat boares fyrapassijægje nisson jabmam, mutto su mutto ælla gukka.

Ale čolga guolbbai!

Agentak occujuvujek videdam varas min buorregavdnujuvuvum elektriskalasa boakkanid buccidi ja skivasidi.

Bureau »Lysstrala« Bergen

Redaktøra: A. Larsen, Repparfjord.

Prenteduvvum »Nuorttanaste« prentemrak kanusast Sigerfjord, Vesteraalen.